


象山集


二十五之九



庫	文	閣	內
西	三	漢	
函	四	書	
七	九		
架	六	類	
	一		
	〇		
	冊		
	號		

庫	文	閣	內
三	三	漢	
六	四	書	
函	九		
	六	類	
	一		
	〇		
	冊		
	號		
	架		

內閣文庫			
番號	漢	3496	
冊數	10(6)		
函號	316	16	



象山先生全集卷之二十五

詩

接筆之序

少時作

從來膽大胸膈寬，虎豹億萬虬龍千。從頭收

拾，吞有時。此輩未安帖，哮吼大嚼無毫

全，朝飲渤澥水。暮宿崑崙巔，連山以為琴。長

河為之絃，萬古不傳音。吾當為君宣

聞鶯

百喙吟春不暫停，長疑春意未丁寧。數聲綠

樹黃鸝曉始笑從前着意聽

鸞 六言

巧轉風臺急筦清逾石澗回溪好去枝驚
夢無人心到遼西

晚春出箭溪 二首

晴雲冉冉薄斜暉春靜衙門半掩扉風入墻
頭丹杏晚高枝頻颺亂花飛

又

長蹊窈窕晴沙暝綠樹交加細草香歸去不

緣吾興盡月明應得更褰裳

子規 六言

柳院竹齋茅店雲蕪風樹烟溪聽徹殘陽曉
月不論巴蜀東西

蟬

風露粘腸裏宮商兩翼頭壯號森木晚清敲
茂林秋

贈化主

學佛居山林往々儀狀也道々翩然來禮節

何爾雅職事方恪、言論龍灑、安得冠其
顛公材豈云寡

踈山道中

村靜蛙声幽林芳鳥語警山樊紛皓葩
穉麥搖青穎離懷付西江歸心薄東嶺
忽忘飢歎憂鬢令發深省

鵝湖和教授兄韻

塋墓興哀宗廟欽斯人千古不磨心
涓流積至滄溟水拳石崇成泰華岑
易簡工夫終久

大支離事業竟浮沉欲知自下升
高處真偽先須辨只今

挽石子重

古重百里長寄命謀託孤今以京秩授
麋至無賢愚州家督版帳殿最相所
輸况乃積弊久宿負堆文符老姦乘
倉皇陰拱為師模民窮歛愈急吏飽
官自癯天子為焦勞宵旰思良圖高
選部使者庶使德意敷石君在薦剡
聞者皆懽愉不知何方民凋瘵
遲君蘇君丞

同安日歲早當蠲租縣白如故事守恕牢瞻
盱賴君爭之力意得所請俞揭教授里正俾
後不可渝又嘗宰尤溪吏輩初闕閹首以財
匱告欲濶侵民途君乃治稅籍弊蠹窮根株
簡易以便民上下交相孚民自不忍負豈復
煩催驅閔征且損數孰謂儒術迂使家得此
人黃屋何憂虞惜哉不及用重使吾嗟吁

挽張正應

海門晝夜吼奔雷却立吳山亦壯哉前殿神

仙三島遂正陽閭闔九天開玉階恭授太官
賜象簡親承御墨回多少筆瓢蓬壺士輸君
留宿兩宮來

和黃司業喜雪

疇昔詩囊未破慳瓊瑰益目倍朽然才華甘
落諸公後誠實徒居野老前臘雪晚成春雪
早梅花靜對雪花妍從今長作豐登瑞廩庾
家、贍九年

遊湖分韻得西字

會

命駕不辭春。逕泥少逢高會。帝城西物非我。
軍終無賴書。笑蒙莊只強齊。天人湖光隨廢。
狹山蔽雲氣。互高低誰憐。極目芙蓉裏。隱
蒼竜卧古堤。

和楊廷秀送行

學粗知方。耻為人。敢崇文貌。蝕誠真義。難阿
世非忘世志。不謀身。豈誤身。逐遇寬恩。猶得
祿歸。衝臘雪。自生春。君詩正似清風快。及我
征帆。故起蘋。

送德麟監院歸天章和楊廷秀韻

二首

盡道吾庐登陟難。上人得。到相看。莫言無
物堪延待也。有茶澆舌本乾。

又

聞說淮民未免饑。春頭已掘草根歸。羨君糶
載還山去。更挾星郎大字詩。

送勾熙載赴浙西監

平分浙江流。東境浮海角。其民仰魚鹽。久也
困征權。麥禾與菜麻。耕鋤到饒确。往歲比不

登場圃幾濯：荒政勞廟謀賑廩聞數：餓
羸不待飽共感君澤渥仁哉覆育恩所惡吏
齷齪教詔弥諄：聽受祇藐：何知國與民
足已肆貪濁流離且未還已復事推剝按察
殊未曾聖主獨先覺重貽宵旰憂願躬求卓
犖君固岷峨英懷抱富荆璞迩來奏對語朝
陽鳴鶯鸞鏘然歷帝聰簡記諒已確外臺適
虛席妙選出親擢此節豈輕授委寄重山嶽
除音九天下衆論靡瑕駁攬轡首越山青萍

方在握送君無雜言當不負所學

題慧照寺

春日重来慧照寺經年詩債不曾還請君細
數題名客更有何人似我頑

贈畫梅王文顯

子作寒梢已逼真不須向上更稱神由来絕
藝知音少只恐令人過古人

簡朱幹叔諸友

利名風浪日相催青眼難於世上開何事諸

君冒艱險杖藜來入白雲堆

書劉定夫詩軸

人生不更涉何由知險艱觀君一巨軸奚啻
百廬山

玉芝歌

靈華兮英、芝質兮蘭形瓊葩兮瑤實冰葉
兮雪莖石室兮宛、苔茵兮菁、蔭長松之
偃蹇帶飛瀑之淙琤實青端而黃表眇中藏
而不矜匪自昭其明德羗無愧兮疇能

淳熙戊申余居是山夏初与二三子相羊
瀑流間得芝草三偶相比如卦畫成華如
蘭玉明冰瑩洞徹照眼乃悟芝蘭者非二
物也已酉上巳復覩瑤芽迫歸拜掃不及
見其華是日訪風練飛雪始得一華方掇
至案間待雲庵僧適至且求余言為鄉道
余方作是歌因謂之曰當為子書之第持
此以往會當有賞音者紹熙元年三月二
十八日象山翁書

象山先生全集卷之二十五

象山先生全集卷之二十六

祭文

祭呂伯恭文

玉在山輝珠存川媚邦家之光繫人是寄惟
公之生度越流輩前作見之靡不異待外朴
如愚中敏鮮儷晦膏致侮斂或招忌纖芥不
懷惟以自治侮者終敬忌者終愧遠識宏量
英才偉器孤奮無朋獨立誰配屬思紆餘摘
辭綺麗少日文章固其餘事顏曾其學伊呂

其志久而益專窮而益厲約偏持平棄疵養粹
既心黃中處身白賁停澄衍溢不見涯涘豈
伊人豪無乃國瑞往年之疾人已聘胎逮
其向痊全安是冀詩傳之集太事之記先儒
是禪麟經是嗣杜門養病素業不廢訃音一
馳聞者隕涕主盟斯文在數君子累奪之
天乎何意荊州云亡吾兄既逝曾未期年公
又棄世死者何限人有鉅細斯人之亡匪躬
之瘁嗚呼天乎胡不是計竭川夷陵忍不少

俟辛卯之冬行都幸會僅一往復揖讓而退
既而以公將與考試不獲朝夕以吐肝肺公
素與我不交一字糊名謄書幾千萬紙一見
吾文知非他士公之藻鏡斯已奇矣公遭大
故余忝末第迫歸覲親徒以書慰甲午之夏
公尚居里余自錢塘溯江以詣值公適嚮浹
日至止一見懽然如獲大利我坐狂愚幅尺
殊侈言不知權或以取戾雖訟其非每不自
制公賜良箴始痛懲艾問我如頓告我如祕

教之以身。抑又有此。惟其不肖。往失墜。竟
勤公憂抱。以沒地。鵝湖之集。已後一歲。輒復
妄發。宛尔故態。公雖未言。意已獨至。方將優
游。以受砒劑。潢池之兵。警及郡界。亟還親庭。
志不克遂。先兄復齋。比一二歲。兩獲從矣。言
符心契。冉疾顏大。古有是比。嗚呼。天平。胡厓
於是。復齋之葬。不可無紀。函鑄之重。豈敢它
諉。道同志合。惟公不二。拜書乞銘。公即揮賜
琅之音。何奔岳峙。嗚呼。斯文。何千万祀。我

固罷駑。重以奔蹏。惟不自休。強免希驥。此年
以來。日覺少異。更甯羗多。觀省加細。追惟曩
昔。簾心浮氣。徒致參辰。豈足酬義。期此秋冬。
以親講肄。庶幾十駕。可以近理。有疑未決。有
懷未既。訃音東至。心裂神碎。与二三子。慟哭
蕭寺。即拜一書。以慰令弟。惟是寔空。祈廟未
肄。繼聞其期。不後日至。跣履擔簋。宵不能寐。
所痛其來。棺藏幃蔽。誰謂及門。緋綵已邁。足
跡塗泥。追之不逮。矯首蒼茫。涕零如霈。不敏

不武將以誰罪及其既虞几筵進拜觴酒豆
肉哀辭以載聞乎不聞神其如在

代致政祭姪楨之文

吾年七十有六園門且將千指田僅充數月
之糧卒歲之計每用凜々汝在同行十餘人
之下獨能任吾事以紓吾憂弥縫補苴於缺
絕迫窘之中如濡然者不動声色而中外巨
細靡不整辦使吾有以安之然吾念汝獨勞
久矣頗難於代汝者耳去年雖令諸子與汝

輪幹以遂汝學問之志而事之本末繫汝是
賴籬落之未葺春榆之未便皆在隱處汝死
之日猶悉為吾治之吾平日見為人臣而不
恤君之民不任君之事者每竊憤之有盡瘁
者必喜而愛之况汝在子弟之中而服勤於
至難之事若此者乎如汝之賢或壽而死人
猶傷之况於未壯而亡乎而天遽奪乎汝汝
其有以知我之哀也命也奈何莫非命也吾
既以紹孫環孫為汝後高選之山真任城也

吾見之矣翌日維吉汝其行乎

代教授祭神文

孔子曰非其鬼而祭之誥也禮曰非所祭而祭之名曰淫祀惟爾神稽諸禮典非士庶所當祭於家者知者因循舊俗未適厥正夫聰明正直之謂神非所當祭而祭之固非以祀神非所以當祭而欲人祭之亦非所以為之神今將革舊俗之失以爾神之祀而歸諸正惟爾有神鑒之

石灣禱雨文

惟皇宋紹熙元年歲次庚戌六月甲申朔十有三日丙申奉議郎新權發遣荆門軍事兼管内勸農營田事陸某謹以元酒茗飲蓬萊之香清陂之蓮就所居青田石灣山頂除地為壇昭告于是鄉五方山川神祇蓋聞天子祭天地諸侯祭其境內名山大川雩禱祭水旱山林川谷丘陵能出雲為風雨則祭之國有常典尊在有司非其職守誰敢奸焉然輔

相不任燮調少吏事為責守令無暇撫字以
催科為政論道經邦承流宣化徒空言簿書
期會獄訟財計斯為實事為日久矣况今日
輿圖未歸東南事力有限而朝廷百官有司
城郭宮室郊社宗廟諸費事大體重未易損
削東西被邊殆幾萬里養兵之費乃十八九
公卿大臣寬厚有體日以靖恭謹重相告誡
方重改作惡紛更服膺仍舊貫之旨則民力
日屈郡縣日困守令救過不給其勢然也旱

雩水榮雖欲竭精盡誠而本職當務所分過
半矣故祈禱散在庶民徧滿天下久以為常
法有其文官無其禁示其勢然也今不雨弥
月龜坼已深水泉竭陂池涸車聲塞耳
而浸不終畝憂色在面而歎不成聲民心自
危日加一日各有病某者曰居是鄉者莫不
憂一鄉之事今人所常行而法所不禁乃獨守
區區古說坐視旱暵之災不一出心力以祈
神明以輔郡縣以慰鄉里以分父兄之憂無

乃類刻舟求劍。艘溺不援者乎。某因念今日
下一家郡守再期縣令三期而易之矣。今日
事體又有如前所陳者。某嘗備負朝著之未
列。今又分符荆壘。待及于家郡縣。不鄙其愚
禮以上。各父兄子弟往往過。而向以所長誠
無以分父兄之憂。慰子弟之望。則各之所病
不為過矣。是用齋戒以祈于爾有神。是知之
東有象山雲臺仙岩龍甌湖嶺豪嶺侯棟仙
鶴中山南有崖山雲林白馬頭陀林姑軍峰

余源清江南山登高。西有大嶺崇嶺靈谷何
嶺明珠觀原翁塘大原。宦山箭溪四集。北有
柘岡金峯。悼嶺穉。惶吉嶺萬石塘斗門石瀨
沙岡三牛桂枝駢羅環。遠韻奇蘊秀炳靈兆
異歲享鄉民禱祈祭祀者多矣。旱魃如此。不
為一出雲為風雨。以救其虐。而惠斯民。則父
兄子弟之責望。恐不獨在某也。惟爾有神。裁
之尚饗。

謝雨文

維皇宋紹熙元年歲次庚戌六月甲申朔十
有六日己亥具位陸某謹以元酒茗飲蓬香
簞花登石灣之堞致謝于是仰五方山川神
祇除壙之日陰雲交覆致告之辰涼雨遍灑
旋而風雨四作神祇參會連日未已諸知周
洽靈應特達惠澤優渥惟神正直盡道舉職
以贊上帝以蘇下民安肯論功望報然感而
應祈焉而遂在吾民之心豈其敢忘用敢率
茲前儀以致虔謝惟神其鑒之以毋替德惠

尚享

荆門禱雨文

荆門故楚國也江漢為疆沮漳在境東有百
頃南有龜山西有玉泉北有上泉中為蒙泉
皆炳靈效異為此土之望旱乾水溢實與守
臣同其責往歲之冬茲歲之春霈澤殊霑今
既三夏矣陂池涸絕種未入土斯民稟原有
無^年憂守臣不德當身受其咎斯民何辜謹
卜日為壇於蒙泉山頂刑鵝薦血瘞于茲壇

之右庸敬告于爾有神其尚鑒于茲

望壇謝雨文

蠲吉為壇以元酒茗飲禱雨于是邦山川神祇曾不崇朝雷動雲合日澤隨降霽霽泆洽冬春所無靈應響答民情大慰謹率官寮望壇祇謝惟茲積暘陂池久涸泉源未動是在德得無數願無愛感靈尚終惠之是用率請

又

屬以是邦經冬涉春雨澤殊少啟蟄之後雷

震不作已踰三夏陂池尚涸創茲為壇用祈于爾有神為壇之辰油雲四興驟雨為兆致禱之日先以震雷從以膏雨霽霽周決連日不念靈應昭然凡厥吏民孰不感動謹率郡寮詣壇祇謝繼是雨暘特若百穀順成民戴神惠其有窮哉

東山禱雨文

謹率闔郡官僚以元酒茗飲致告于山川之神荆門為郡大抵在江漢之間正南為江陵

而江實在焉。唯沮漳由當陽以入江。在郡之西。正北為襄陽。而漢實畧襄陽。而後南折為長林東境。故荆門之山發於嶠。嶽止於西山。蒙泉原其下。以在郡之西。故曰西山。其支山以溪而東。以繞郡治。有峰峨峨然。曰東山。有洛圖在其上。於西山為賓。季春之月。以不雨。之。久為壇。西山之巔。以致其禱。靈應響答。沛然為霖。比日。又以不雨。申致其請。連三日。皆請壇致請。有雲油然。有雨瀟然。而竟未雨。滂霈。

正晝間。開霽。二日三日。之夕。西北竟有雷雨。甚久。電光密通。而不及郡城。東南土田至廣。仰雨尤急。殊不霑及。竊惟所以事神者。未至古之祠山川者。皆為壇。望其所祠。今西山之壇。既獲靈應。不敢廢也。然觀東山正為西山之賓。西望則山川之本原。皆森列在前。宜為壇。以致禱。是用於此。申致前請。惟神其鑒之。

東山刑鵝禱雨文

謹率閩郡官僚。詣東山新壇。以望西山。敬告。

于茲土五方山川之神自九月庚辰致禱之
後境內每有雨澤凡詣壇之時雲氣必變雨
澤雖未霑洽可見靈應然郡城至今未得大
雨諸鄉亦未周遍竊懼所以事神之禮未至
春季致禱西山之時刑鵝薦血瘞于壇側用
著厥誠茲月之禱此禮未講惟神恕其不逮
而許其自新其尚鑒茲誠

上泉龍潭取水禱雨文

茲歲不雨之久是月六日於蒙泉山頂為壇

致禱十有二日又於東山望壇申致厥請自
六日之朝有雲油然有雨祈然由郡城以及
諸鄉是故諸鄉循環得雨但未霑霈浹洽雖
蒙靈應未終大惠是用竭誠致請敬敬以淨
瓶迎泉歸置郡治東荆岑亭上朝夕致敬以
幸靈沛尚享

宗未幾罷分隴華三版兵犯京師與疾避難
卒謚曰文文公六子次子崇生德遷德晟以
五代末避地于撫之金谿解橐中裝買田治
生皆高閭里德晟之後散徙不復可知德遷
遂為金谿陸氏之祖六子高祖有程為第四
子博學於書無所不觀三子曾祖演為第三
子能世其業寬厚有容四子祖載為第四子
再從兄弟蓋四十人先祖最幼仔釋老言不
治生產四子先考居士君贊為次子生有異

稟端重不伐究心典籍見於躬行酌先儒冠
昏喪祭之禮行之家家道之整著閩州里六
子先生為第五子生而願悟能步趨則容止
有法五歲人學同學年長踰倍者所為盡能
為之講書於因析義趣十歲丁母憂居喪哀
毀如成人十三應進士舉為文優譽有理教
先成歎異年十六遊郡庠每課誡必居上游
時方擅程氏學先生獨尊其說郡博士徐君
嘉言高年好修留意學校間日獨行訪諸齋

先生侍諸况衣冠講論未嘗懈也曰是徐君
雅相禮敬明年徐君物故又明年新博士將
至先生聞其嗜黃老言脫畧儀檢慨嘆不樂
賦詩見志歸葺茅齋從父兄讀書講古間出
見故老先達所咨叩皆不苟時居士君歛悉
傳家政平日紀綱儀節更加凜括使後可久
先生多與裁評弱冠造吏部外郎許公忻許
公居間久故知少見先生如舊相識明年許
公守邵陽欲先生來居士君亦啓其四方之

志先生於是游湖湘抵邵陽之久而東至臨
江郡守鄧君子延先生于學臨江士人皆樂
親之居半歲乃歸越教年郡博士苗君昌言
復延先生於學從遊者益衆苗自謂平生所
尊賞者不苟至其所以禮先生者特異人亦
以是信之其與先生啓有云文辭近古有退
之子厚之風道學造微得子思孟軻之旨推
尊蓋如此先生覽書無滯礙繙閱百家晝夜
無倦於陰陽星曆五行卜筮靡不通曉性周

謹小肯苟簡涉獵所習必極精詳歲在己卯
始與舉送同郡官中都者適有二人皆先進
知名士闕貢籍見先生姓名相顧喜曰吾別
今乃可謂得人庚辰春官試不利辛巳補入
大學故端明汪公實為司業月試輒居上游
場屋之文大抵進時好尚程度不復求至當
惟先生之文據經明理未嘗屈其意嘗有先
進以是病之先生曰是不可改先生寬裕平
直人皆樂親久愈敬愛學校知名士無不師

尊之明年丁居士君憂乙酉升補內舍丙戌
為學錄學校綱紀日肅弊無巨細皆次第華
之人亦駭異嘗有小疾規矩者先生以正繩
之無假借後或以先生問其人顧稱先生之
德亦以為然丁亥外補上舍戊子館于盤谷
之張氏先生授其子以中庸大孝其父老矣
每偶坐拱手與聽講授且日不自意晚得聞
此張君之死其子喪以古禮不用浮屠氏已
丑登進士第授迪功郎桂陽軍軍學教授壬

辰當赴迓吏且至時太孺人伺親藥顧先生
以桂陽道遠風物不類江鄉難於迎侍陳乞
不赴甲午授興國軍軍學教授明年夏湖之
南有寇侵軼將及郡境先是建炎虜寇之至
先生族子諤嘗起義應募是後寇據相次犯
州境諤皆被擄係聚捍禦往往能却敵別里
賴焉至是諤已死舊部伍願先生主之以請
于郡時先生適在信之鉛山聞警報亟歸抵
家請者以盈門却之不去日益衆先生與兄

弟門人論所以宜從之義甚悉會郡符已下
先生將許之或者不悅謂先生曰先生海內
儒宗蹈履規矩講授經術一旦乃欲為武夫
所為衛靈公問陳於孔子孔子不荅今先生
欲身為之守先生曰男子生以弧矢長不能
射則辭以疾文事武備初不可析古者有征
討公卿即與將帥比肩之長則任兩之長也
衛靈公家國無道三綱將淪既見夫子非哲
人是尊社稷是計而猥至問陣其顛荒甚矣

故夫子曰以俎豆而遂行夾石之會三都之
墮討齊之請夫子豈不知兵者其為委吏乘
田則會計當牛羊茁壯長使靈公旌鞞陣而
問會計牧養之事則將遂言之乎執此而謂
夫子誠不知軍旅之事則亦難與言理矣或
者又曰禮別嫌疑事有宜稱使先生當方面
受邊寄誰復敢議此閭里猥事何足以累先
生今知黨自好者不願尸此尸此者必豪俠
武斷者也今先生尸之其人其謂何先生曰子

之心殆未廣也使自好者不尸此而豪俠武
斷者卒尸此是時之不幸也子亦將願之乎
事之宜稱當觀其實假令寇終不至郡縣防
虞之計亦不可已社之初倉卒應募非有
成法令備禦文移類以軍興從事郡縣破事
之集勢必假借王者或非其人乘是取必於
閭里何所不至是其為慘蓋不必寇之來也
有如寇至是等皆不可用無補守禦因為剽
劫仁者忍視之哉彼之所以必誣我者為其

有以易此也。吾固以許之為宜。或者又曰：曾子之在魯，冠至則先去，冠退則曰：修我牆屋，我將反為其為師也。今先生居於鄉，有師儒之素，命於朝為師儒之官，而又歿尸此，無乃與曾子異。子先生曰吾居鄉講授，自窮約之分，吾求仕為祿養，今之官乃吏，極格而與之身異乎？曾子之為師也，今又遲次居鄉，老母年且八十，家累過百人，冠未至先去，固今郡縣所禁。比至而去，必不達剽劫殘害，狼狽流離之

禍，往往不可免。去固不可藉，令可去扶八九十老者，從以千餘指去，將焉之？子欲使吾自附於介位，不同之曾子，而甘家之禍，忍鄉之毒，縮手於所得為之事，此奚啻搜溺不援者哉？或者乃謝不及先生，於是始報郡符許之已，而調度有方，備禦有實，冠雖不至而郡縣倚以為重。丙申夏四月到任，先生於事無大小，履之未嘗不盡其誠，於人無衆寡，待之未嘗不盡其敬。富川單僻，絃誦希聞，士人在

學校者無幾先生莅職舉措謹重規模雅正
誠意多達士人莫不感動興起先生方將收
拾茂異而遠近願來親依者且衆富川學廩
素薄而又負逋不輸歲入僅六百石而此年
不輸者乃七八百石民未必盡負茲吏黠徒
乾沒其間簿書緣絕莫可稽證先生為覈實
催理受輸之法甚簡而便白郡行之於是無
文移之繁無追督之擾簿書以正負者樂輸
儲廩充裕士人至者日衆不滿歲丁大孺人

憂去職在富川者莫不惋惜己亥四月服闋
冬末到選庚子春授金州州學教授夏中得
寒熱之疾繼以脾泄屢止屢作竟不可療九
月二十有九日卒享年四十有九先生雖卧
病見賓客必衣冠舉動纖悉皆有節法卒之
日晨興坐于牀問疾者必留與語幼者人人
有所訓誨談笑歡如也先生未嘗不以天下
學術人才為念病中言論每每在此是日言
之尤詳夜稍久則正卧整衣衾理鬢髻疊手

腹間不復言笑。又數刻而逝。先生道德之粹
係天下之望。曾未及施一疾不起。識與不識
莫不痛惜。先生少有大志。而深純浩博。無涯
涘可見。親之者無智愚賢否。皆不覺敬愛。慰
釋稱其善者。往往各以所見未嘗同也。乃區
區撫摩而藹然慈祥。愷悌之風。有以消爭融
隙。不斷斷刻畫。而昭然脩潔清白之實。足以澄
汗律。慢趣尚高古。而能處俗。辨析精微。而能
容愚。一行之善。一言之得。雖在巫醫卜祝農

圃。穢獲亦加重敬。珍愛自少。以聖賢為師。其
於釋老之學。辯之嚴矣。然其徒苟有一善。亦
所不廢。故先生無棄人。而於先生亦鮮有不
獲。自盡者。與人言未嘗迫。遽從容敷析本末。
洞徹質疑。請益者莫不得所欲而去。於人言
行。之失度。未可與語。則不發。或者疑之。先生
曰。人之惑。固有難以口舌爭者。言之激適。以
固其意。少需之。未必不自悟也。扞格忤狠之
氣。當消之。不當起之。責善固朋友之道。聖人

猶曰不可則止。况泛然之交者乎。又况有親
愛之情者乎。雖朋友商確。至不可必通處。非
大害義理。與其求伸而傷交道。不若姑待以
全交道。且事有輕重。小大。吾懼所益者小。所
傷者大。所爭者輕。所喪者重。故也。然有時而
遽言之。盡言之。力言之者。蓋權之以其事。權
之以其人。權之以其時也。母饒氏繼母鄧氏
淳熙三年。以慶壽恩。封太孺人。娶王氏。魏公
曾孫通列。使君璣之長女也。通列君亦以是

年八月卒。先生卧病。聞訃。制服成禮。建壙祭
織。悉皆自經。畫子良。之年十三。女人皆幼。先
生未及著書。若場屋之文。與朋友往來論學
之書。則傳錄者頗衆。其餘雜著古律詩墓誌
書啓序跋等門人方且編次。將以十二月乙
酉葬于鄉。蕭石塘。謹書其行實。之大槩。以求
誌於當世之君子。淳熙七年十一月既望第
某狀

吳公行狀

公諱漸字德進性吳氏舊名興仁字茂榮以
舊字行其先自金陵徙家臨川今幾百年矣
曾大父嗣宗大父景章父萬石廸功郎致仕
兄弟三人公居及少隨伯氏從學於江公匯
江為鄉先生從游多老成宿學一時英異如
李公浩曾公李鑑皆在公以童幼居其間愿
懋恭遜得子弟禮有所未解人樂告之年十
有五喪母高氏服除致仕公使之治生公雅
好文學重遠致仕公意服勤教歲一日從容

言其志致仕公大悅之更使從學未幾會新
教官至試補弟子負郡之士大集公居第一
自是每試輒居上游人服其藝異時同事江
公者與為執友公每自挹損事之如子弟紹
興癸酉始與舉送人謂公一第固可俯拾明
年省試不偶公不以罪有司曰吾殆業不精
丙子再舉壬午三舉省試皆報罷自是仕進
之意衰矣其後雖屢到省皆以其子侄或門
人與舉送願公表率親舊敦勉以行公往來

超然殊不以得失介意或以特奏名留之公
曰吾來此聊復尔耳不能久也謝之竟歸日
卒諸子讀書以自娛樂其聲洋洋踵門者未
及見已為之起淳熙十年六月朔以疾卒享
年六十鄉閭莫不惋惜公性孝事進左右無
違見老者雖賤必敬慈祥愛物力所及者蠶
蟻蛙蚓之難而必免之其謙恭不競人皆以
為不可及至有不當其心引義正色堅勇亦
不可奪家甚貧自奉甚薄唯祭祀賓客則致

其豐鮮公在郡庠以行藝推為前序居無何
輒逡巡辭去乾道庚寅許君及之蘇君總龜
為教官尤留意學校聞公學行信於鄉里造
廬敦請至于再三不得已就之公雅為許所
知許方欲盡去宿弊事無巨細皆以誣公公
為區處條畫如指諸掌許每歎曰於是見君
後日之施設矣事有緒即辭去其後合郡之
士屢請延公入學教官郡守各致其禮公皆
固辭不復出矣鄉里先達皆期公以有用乃

竟不三試而死悲夫公娶黃氏子五人顯若
厚有若誠若皆世其業厚嘗與丁酉舉送女
四人長歸其次甫笄而死次許昏訓次未許
嫁孫男女各一人尚幼卒之年秋九月壬申
葬于金谿縣歸德鄉金石源祖塋之側葬之
日送車塞塗祖奠于道者相望不絕行過者
莫不齎咨涕洟其在童穉時為公所知後又
妻以其女知公之平生可謂深且詳矣如公
之德不可不表顯于後謹覈書以告當世之

君子
淳熙十一年九月既望督承奉郎充詳
定一司敕令所刪定官陸某狀

象山先生全集卷之二十七

象山先生全集卷之二十八

墓誌銘

黃氏墓誌銘

癸酉庚子三月八日梁君世昌以書抵予言
繼室黃氏將葬以李君蟠狀來乞銘余未嘗
銘墓抑銘墓非古惟孔悝鼎銘見戴記則衛
侯策書曰弔汝銘墓之有銘柳子厚謂始於
公室用碑以葬其後子孫因銘德行如此則
非公侯不得有是然郭林宗不過嘗給事縣

近其葬也刻石立碑蔡邕為之銘是則東漢
時銘墓已無限制今人力能辨者必銘其墓
余滋不悅然黃氏余外姑之妹也舊聞其賢
梁君亦惓惓於余是春之初余訪梁君梁君
內顧酒者三具梁君去年嘗遊廬阜其談山
水之勝誦高人逸士之文豐豐不倦余於是
益知其在中饋者能在於梁君而後梁君能
安於所好也嗚呼乃不知余去數日而黃氏
死矣墓銘今世皆用黃氏之賢余又親戚前

其死數日余又適至其家梁君又惓惓於余
是以重違其請銘曰世居臨川其姓則黃曰
謂之女少慧且良謂殊愛之擇配至詳爰緩
其歸繼室于梁歲時祭祀絜蠲盛湘有親有
賓飭具有常撫其二子成章大章與其一女
萬然慈祥梁賴其相志願畢償家用益肥於
前有先庚子孟春甲子遽亡年止四十壽胡
不長其元伊何靈臺之知相嶺梁源舅姑塋
傍三月壬申體魄以藏後有興者是不可忘

張公墓誌

公諱琬字希錫性張系出漢留侯世居信之
龍虎山曾祖嗣宗賜虛白先生祖大方贈武
功郎考愈承信即公生於元符二年十有一
月五日癸酉卒於淳熙八年三月十有四日
庚申享年八十有三公甫冠應舉不利乃去
入京師宣和間應募破方臘補進義副尉建
炎初自京師從馮御等詣濟南府扈從至南
京轉進武校尉明年以嘗從使虜轉承信即

傾側擾攘汴淮之間所志不就浩然歸休居
家處知孝慈悌順無所違拂留意吐納希蹤
喬松中年卜居不用世俗陰陽地理等說自
得勝處家既饒給益自燕適晚歲尊延禮法
之士為子弟師變其舊俗軌範一新鄉里改
觀焉寢疾且亟召子孫申戒之言訖而逝娶
莊氏早卒繼室周氏子男四人崇之簡之安
之明之女二人長通章如璋次通將仕即倪
安國孫男八人女七人曾孫男一人卜以十

月三日丙午葬于長湖既得卜子明之來求誌其墓公繼室余表仰也明之又嘗從予遊不可辭青田陸某誌

宋故陸公墓誌

公姓陸氏名九叙字子儀撫州金谿人曾大父演大父敬父賀贈承事郎母饒氏贈孺人繼母鄧氏封大孺人公生於宣和五年七月乙卯卒於淳熙十四年五月癸亥享年六十有五以卒之年十月壬辰葬于臨川縣長壽

鄉羅首峯下公氣稟恢廓公正不事形迹羣居族談公在其間初若無與至有疑議或正色而斷之或以一言或談笑而解之以一說往往為之渙然家素貧無田業自先世為藥肆以養生兄弟六人公居次伯叔氏皆從事場屋公獨總藥肆事一家之衣食百用盡出於此子弟僕役分復其間者甚衆公未嘗屑屑於檮檠伺察而人莫有欺之者商旅往來咸得其懽心不任權譎計數而人各獻其便利

以相裨益故能以此足其家而無匱乏之後雖
稍有田畝至今計所收僅能供數月之糧食
指日衆其仰給藥肆者日益重公周旋其間
如一日也公娶余氏先公十一年卒余氏孝
順出於天性梯似皆以為莫及當窮給時公
之子女衣服敝敗特甚余氏或時及之公即
正色呵止必伯叔氏為之慮乃始得衣雖公
之衣服器用亦往往如此及伯季有四方游
雖至窘急裹囊無不立具自公云云遠方士

友聞計慰唁諸孤與公之伯季稱公德美悼
痛傷惋無異辭子男四人望之麟之三之尚
之七大人長適鄉貢進士張商佐次適黃叔
豐次適危三畏先公十七年卒次適徐翔龍
周清雙熊鑑孫男三人女五人皆幼弟宣義
即主管台刈崇道觀某謹誌

黃公墓誌銘

南豐黃世成少事塲屋再舉不第即棄去益
繙經史百家言究窮其道理結廬石仙岩有

終身之意其元世永南冠登科所志穎脫以
出暇日憇石仙與世成劇論時事歎美其才
勉之使出堅不可奪世永益竒之名其廬曰
壺隱其父南雄府君官至正郎澤及世成世
成推以與弟澤再及又推以與次弟有季弟
澤不及則推已田與之或惡其背馳議之曰
是非人情曰矯曰好名世成處之泰然議者
浸以熄久之遠近咸服不稱姓字但曰壺隱
在童稚時嘗為橫浦張公賞識及長結交皆

一時名流雖絕意仕進其於國之治忽民之
休戚未嘗不關其心故舊居職任事者每賴
以有聞江西之揀荒湖廣之弭盜往往出其
策比年秘書左司楊廷秀諫議謝昌國其言
尤剴切深至二公還書推重嘉歎然卒不能
有所施行余不識世成而得其為人至詳弊
然其容懇然其中剴煩若易處大若細其施
不墮其守不渝為文操筆立成藻思瞻蔚統
紀不紊有苦心極力所不到者得諸儒言論

必沉澁細繹頗復論著訂其真偽然不自以
為是也此十數年辱余以書無曠時若所嚴
事學絕道喪片善寸長必自介恃世成之所
可挾者衆矣乃自視歛然汲汲於求道過人
亦遠矣今其亡矣其子來請銘以世成之賢
雖不吾屬猶將勸之况請之勤耶世成諱文
歲曾祖履中康州司理參軍妣葉氏祖俯左
迎功郎虔州司理參軍贈左朝請大夫妣大
宜人呂氏曾氏父越左朝奉大夫知南雄州

妣宜人曾氏娶曾氏子男五人長曰楫先四
年卒次日柩曰槐曰椿曰棗女三人長適湛
覺次適曾林宗幼在室孫男二人壽勳女一
人世成生於紹興丁巳二月己亥卒於淳熙
丁未十二月壬辰享年五十有一將以戊申
十一月己酉葬于石仙岩之金鵝谷銘曰匪
屋之潤于其身匪爵之尊于其仁無其責而
有其言非其位而及其民孰曰余各孰曰余
各烏乎壺隱豈其隱瀚誰尚顯之在其後人

象山陸某誌

黃夫人墓誌

余少時見墓銘日多往往緣稱美之義不復顧其實侈言溢辭使人無取信竊念之曰苟如是亦如無銘及長人或過聽俾為墓銘輒終辭之蓋不獨以才薄品卑也歲在庚子同郡梁君光遠繼室黃氏之乞銘於余於是銘之且具誌其故然其原大抵以其為吾外姑之妹而有以信其賢也昔者外舅吳君茂

榮之葬余狀其行乞銘於尤太史不敢加一辭如所謂闔郡之士願以為領袖諸郡博士造廬延致至于再三乃始應命則許君深艾哀詞言之尤詳深艾乃當時郡博士今年自右拾遺進貳奉常者也余比歲又銘南豐慈溪二君子之墓海內名識謂無愧辭今吾外姑之葬雖微諸孤之請吾敢無銘乎外姑踰笄歸于外舅尊卑內外姻戚鄰里僚友之家下與僕妾舉無間言自吾為壻未嘗見其

喜怒唯見其慈祥恭謹為姑如婦祭祀賓客
酒榖菹醢靡不躬親滌濯致潔調宅致適奉
承薦獻致其誠敬其勤勞中饋殆如一日諸
婦祈欲逸之而不可得待子壻早行猶孳孳
若有不及焚幽間安詳不動聲色履之如素
亦使人有以安之詩書傳記所稱婦德於是
有證嗚呼賢哉享年六十有四邑氏先謹見
乃妹銘章子孫男女名數具外舅行狀與尤
公之誌獨予之切非外姑出其氣體雅弱外

姑慈撫鞠育劬勞有加於疇昔莫辨其非已
出也其女之季前一年卒孫則增男一人女
四人卒之日維淳熙十有五年二月丁卯明
年十月己酉葬于金銘東漕之龍岡銘曰龍
岡之阡雲林之別所江陳前落霜湧雪澌若
鑑明瞭若水絜滂羅諸峯麻姑就列却負書
山屏隱截嶠靈谷後車雷公並轍維姑之賢
往訓是將維姑之身命服不設不實酬之寔
以斯穴余實知之詩之斯碣尚其子孫自致

我閱褒綸崇封奕世不缺葬月之朔塔宣義
即新權發遣荆門軍兼管內勸農營田事陸
某書
楊承奉墓碣
年。在。耄。耄。而。其。學。日。進。者。當。今。所。識。四。明。楊
公。一。人。而。已。公。長。不。滿。五。尺。然。矍。矍。而。狗
道。之。勇。不。可。回。奪。血。氣。益。衰。而。此。志。益。厲。貴
賤。不。足。言。也。余。獲。遊。甚。晚。而。知。公。特。深。平。生
為。學。本。末。無。不。余。言。者。四。方。士。友。辱。交。於。余。

惟四明為多。自余未識公時。聞公行事言論
詳矣。公為人恭謹精悍。不屑錄錄視天下事
無不可為者。其言有曰。畏夷狄憂用財。此寧
相非才之明驗。少時蓋常自愧無過視人則
有過。一日自念曰。豈其人則有過。旋又得二
三。已而紛然。乃大恐懼。痛懲力改。刻意為學
讀書聽言。必以自省。每見其過。內訟不置。程
督精嚴。夕於夢寐。怨艾深切。或至感泣。積時
既久。其工益密。念慮之失。智識之差。毫釐之

間無苟自怨嘉言善行不曠耳日書之盈室
著之累秩嘗曰如有樵童牧子謂余曰吾誨
汝亦當敬聽之檢身嚴而安其止取善博
而不知所擇舊習日遠新功日著自其子識事
未嘗見公有過所自責者類非形見公每發
明以示監戒人患念憶公容物若虛人患吝
嗇公指財若無或歎其不可及公曰昔甚不
然吾改之身一夕被盜翌日諭子孫曰婢初
告有盜吾心止如此張澄視筭告所亡甚多

吾心止如此今吾心亦止如此四明士旋多
躬行有聞公家尤盛闔門雍雍相養以道義
仲子簡尤克肖入太學治易冠諸生既弟主
富陽簿訪余於行都余敬誦所聞反復甚力
余既自竭卒亦能當其意謂皆其兒時所曉
殆庸懦無足采者此其腹心初不以語人後
乃為余言如此又一再見始自失久乃自知
就實據正無復它適自謂不逮迺翁遠甚恨
其未聞余言後簡自以告公公果大然之於

是盡焚所藏異教之書。每日人心至靈。迷者
繆用。又曰。動靜語默。皆天性也。又曰。顏回屢
空。夫子所賞。必以所得。填塞胸中。抑自苦耳。
又曰。今吾之樂。何可量也。余為國子正。公携
二孫訪余。留月餘而去。後其子為浙西帥。屬
迎公以來。余更卜解為鄰。每侍函丈。屬厭誨
言。晚學庸虛。無能啓助。負公所期。斯為愧耳。
公嘗行步小跌。拱手自若。徐起。備然。殊亦少
害。從行異之。公曰。蹉跌未必遽傷。此心不存。

或自驚擾。則致傷耳。余聞之曰。所謂顛沛必
於是。江浙相望千里。而遙公既還第。余亦屏
處。時想風采如鞭。其後公之云云。子簡造計
余。遍西游。僕及余館。余不知其為計也。方喜
見之。首問公安否。僕答曰。已下世。余驚嗟。再
三哭之。為慟。簡又以墓碣屬余。於是次而銘
之。公諱庭顯。字時發。其先居台之寧海黃壇。
九世祖從明之奉化。其子又從鄞。紹興末。比
虜犯淮。又從慈溪。曾祖倫。祖宗輔。父演。皆隱

德不仕。淳熙十一年。壽聖慶需公。以子官
封承務郎。十三年。光堯慶需封承奉郎。十
五年秋八月戊寅。以疾卒。享年八十有二。卜
以十一月庚申。葬于縣之石壇鄉句餘村孝
順里。娶莊氏。先公十四年卒。公蓋合葬。子男
六。壽篆簡。權鄉。篋籍篆。嘗與舉送簡。宣教郎。
新和紹興府嵯縣。權鄉。夫。女三。長。適孫楷。次。
適馮象先。次。適王治孫。男十二。恬。恢。惟。悔。懌。
恪。格。隄。掄。塔。悞。愷。女九。長。適顏。次。適舒。欽。

餘未許。嫁曾孫三。登。塵。圭。女一。銘曰。施之家
可移天下。海可竭。斯銘不滅。契。姓。臨川。陸某
撰并書

著致政誌

余稚齒在先君侍側。見各有長大面目。方整
坐。三聳直。揖遜恭謹者。心獨異之。廉問左右。
知為著公。德載。而未能詳其為人。及長。則聞
著才美。有聲學校。有業五行術者。曰黃實。久
遊鄉里。常往來吾家。每科詔下。問此舉誰當。

薦名實必曰葛才美已而不驗人皆笑實曰
是獨未有能名者耳才美竟以乾道戊子與
其子同與舉送明年才美登科余聞實言時
實已老矣不知此時猶在否也才美公仲子
也公平日待之甚嚴其母嘗乘間為才美泣
曰兒未嘗有過盍少假借之公曰此非兒女
子所知吾如是猶懼其業不進德不脩可假
借乎是所以成之也爾母以為苦由是母示
喻其意才美未第時余嘗造郡拜由東序以

入有二士並立西序稍相睥睨一士容色甚
少益自嵬岸面焉以出一士低回恭謹翼翼
趨庭間見即乃才美也才美齒出吾上遠甚
而其恭如此余由是益敬重之已而聞其有
嚴君焉余然後知才美恭遜固天性亦其教
有以成之也才美與先兄復齋為同年進士
自是往來加密余亦屢造公公年耆行尊過
自謙抑如見所畏未獲從容比年客有過我
道公疇昔語日及其行事余竊有慕焉因介

各道意欲求款晤以寃本末因循未遂而公
下世矣余往哭公柩諸孤執喪甚哀余亦不
知涕泗之橫集既歸即來書入山房公葬有
日才美徒行匍匐登山以銘為請余雅不樂
銘墓異時所辭却者衆矣或破此意而為之
者皆適有感所而不能自己者也余於葛公
所感深矣遂次而銘之公諱賡著其姓德載
其字其先五代間自番易徙撫之金銘曾祖
初祖豐父思審皆不仕世以力田殖其家公

為人剛決臨事無疑滯年十三區處家務如
成人父兄異之於是付之以其政時公父年
未五十為堂舍北以自燕適如遺世者凡三
十餘年而後即世公有二兄仲早卒事伯兄
撫仲孤教愛劬盡人無間言遭時多故縣官
倚辨於民者幾倍常賦公調度有方從容贍
給建炎間盜賊蜂起所在為保社以自衛郡
每被寇必檄以捍禦臨川為寇衝虜騎侵軼
亦嘗及城下皆賴社以免公善用長戈壞

慨狗義人所樂親所部皆勇敢以是見推為
前鋒摧堅陷陣未嘗有所避虜騎既敗退王
奕後軍叛卒數千尋至城下他兵遇者輒不
利城中恟懼金銘帥社既至城中則大喜城
上呼曰賊中有髯而騎者善戰宜謹備之既
陳果有髯而騎者奮刀馳突公直前鋒長戈
擣之應手墮馬賊衆驚潰獲其告身官已正
使人皆曰盍論功乎公曰今日之事本為除
賊賊除足矣論功非吾事也有司亦不復有

所省錄公仲子既仕凡三過慶需累封至承
事郎賜緋魚袋今上登極加封宣義郎公
功不見錄於有司天則錄之矣紹興乙卯歲
早明年民難糴米斗踰十錢富民方閉廩時
公先下價散其米徒手來者輒貸與之公限
粟不多而里中賴之宏矣蔬圃蔣茶為用餘
者以易所乏農家往往有之蠶猶持以權禁
愚民不知所辨則可以得貨公有三貧族嘗
遭此厄訟者亦公之族被訟者願賂人訟者

萬錢未已而未能得錢丐公為保公欣然保
之已而訟者迫公索錢凡三人為錢三萬公
度三家者貧甚終不能得錢即代償之公輕
財類是以是家無餘財公然處之裕如也柯
山所客廬山公所聞皆願從客者其子丞西
安令星子皆適當公意方其迎侍之官訪舊
賞新窮日不憊及其興盡而返子亦不能留
也性喜飲酒客至治其隨有無飲必至醉公
生無它疾中年指問有贅天陰或痛久者殊

日而後止醫者不能曉自其子登科痛乃浸
殺久而失之年益高飲食步移無異壯時一
日出門小跌既歸如有微恙後數日從客就
物如平常左右視之公則逝矣享年八十有
四卒之日實紹熙改元五月庚午公娶楊氏
早卒繼室余氏封宜人子男六人曰造曰逢
時儒林郎知南康星子縣曰述先公五年卒
日宗先曰少良嘗從余遊曰亮女四人王通
一胡溥余邦光馮文載其塔也孫男十三人

俊卿即與其父同舉者王知有光有闢如寔
有為祖蒙憲知如江冠卿三人尚幼女五人
曾孫男五人女三人卜十月己酉葬于池頭
鶴叩巖下湖陰尉朱棖濟道實狀其行銘曰
捐財致身紓難去害其聲則微其功則大象
笏昂昂朱銀煌煌公固不言天其以章前葬
十日奉議即新權發遣荆門軍兼管内勸農
營田事陸某撰并書

吳伯顯墓誌

臨川吳伯顯余妻弟也外舅五子伯顯為長
孝友謹飭見於稚齒姻婭賓朋每所歎賞年
十五補入郡庠歲選嘗多許深甫蘇待問為
教官時學校最盛伯顯居上游所為生財有
大道論深甫極賞之謂後日當為世用初為
詩後為書為二禮月試皆嘗冠其倫然竟不
薦若人為稱屈家甚貧外舅既下世變故仍
出歲益艱伯顯處以義理凜然不侈尤人所
難外姑之喪將及大祥以微疾卒嗚呼痛哉

伯顯居世系先諱具尤禮侍所為外舅茂榮
之碑生於紹興戊辰閏八月丁巳卒於紹熙
庚戌十一月乙亥以十有二月壬寅葬于金
谿龍岡母瑩之東娶周氏再娶亦其族二女
尚幼既死以族子為嗣名繼孫生四歲矣前
葬五日奉議郎新權發遣荆門軍兼管內勸
農營田事陸某誌

陸修職墓表

陸氏從金谿年餘二百嗣見九世公居五世

諱九臯字子昭同胞六人公為叔氏子美其
季也次為子壽次為某子壽下世今十有三
年矣某狀其行述世系為詳當是時先君子
未贈官其後某誌仲兄子儀之墓亦復具世
次獨載先君子贈承事郎今再贈宣教郎去
年秋某迎侍伯兄子強來守荆門伯兄至南
一月既歸歸未及家公已下世嗚呼痛哉公
少力于學日課誣子文集必成誦夜閱史用
不盡帙不止嘗夜過分先君子見公猶觀書

勉使寢息公後不能自己為之障燈屏息懼
先君之復知之也及長補郡學子弟負一試
印君上游郡博士徐君視公文行俱優擢為
齋長公與二季嘗正衣冠講誦不懈徐君每
所賞賞月試必聯名占前列徐君嘗語於衆
曰此其學者有淵源非私之也然公年過三
十始獲薦名又復不第投老乃得一官茲非
命耶公持論根據經理恥穿鑿之習雖踴躍
場屋而人所推尊不在利達者後投經之士

或以獨步膠庠或以壇場南省而公之與否
曾不以是一視其言行如何耳今有徒有志
信自持退然里巷庠序之間若將終焉而進
修不替者公之教也先君子居為時門戶艱
難之事公所當每以條理精密濟登平易吾
家素無田蔬圃亦盈十畝而食指以千數仰
藥寮以生伯兄總家務仲兄治藥寮公授徒
家孰以束脩之饋補其不足先君晚歲用是
得與族黨賓客優游觴詠從容琴奕殆然無

窮隱之憂當是時公於妻子喪若未嘗問也
杜子美北征詩謂海圖折波波濤舊繡移曲
折天吳及紫鳳顛倒在短褐公妻子無海圖
可折無天吳紫鳳可依然舊繡移曲折顛倒
在短褐則有之矣先君子之喪既除公不復
御講席家塾教授屬諸其季過從之隙時時
杖策徜徉畦壟阡陌間揆校種刈若無意斯
世者豈各以其時耶番易許氏為書院相嶺
延師其間以處鄉之學者又自稟若干人然

其季子往往從學于外亦嘗來從余游因得
侍公亟丈之末公之餘論遺風或者竊有所
聞矣一日父子協謀闢廬舍儲器用廣會之
堂增自稟之負介其鄉之賢者致禮以延公
公却之再三請益固公為一出桐嶺學者於
是變而樂義理之言厭塲屋之陋士大夫聞
風莫不願與三席自遠至矣踵條不絕興起
甚衆然公年益高頗倦酬應未幾謝去越數
歲安仁宰曾君文清孫也至則葺縣學增士

稟修禮儀尊師道願公主之公不復出矣淳
熙丁未江西歲旱極為甚撫五邑金穀為甚
倉臺郡守留意賑恤別駕虜君實主之虜知
其說莫善於知得其人莫不善於吏與其事
造廬問公計策且屈公為知官於是知之所
得多忠信之士而吏不得制其權以牟利明
年賑糶行出粟受粟舉無異時之弊里閭熙
熙不知為歎歲而俗更以善公力為多公平
居混然無異於人者而智識濬深遇事始見

又其晦明之變人所不解當其晦童子所了
隸人所知公或不辨然特問見於燕間視聽
使令之間未始害事至事理之盤錯情偽之
隱伏賢識赳赳或用蹉跌惟公之明如辨蒼
素客有以名聞者公探衣將見之矣戶間偶
目其貌退而却衣曰吾不欲見斯人也已而
果非佳士况此非獨人所不解公亦有不能
自知者不以學自命而就證者類有愜志不
以智自多而就謀者類有寤心公之得於天

者如玉在山如珠在淵其可量哉逆游溺心
形似蔽實微者過當甚者易位今之賢者未
易免此惟公之明好惡不能亂形似不能蔽
大學曰好而知其惡惡而知其善者天下鮮
矣故該有之曰人莫知其子之惡莫知其苗
之碩公疇昔亟誦斯言而屢嘆其難公之所
以自致其力者深矣是書之流行近世特盛
然其靈足以造此者求諸其傑未見如公者
焉公壯年以呂氏次序大學章句猶有未安

於是自為次序今遠方學者傳錄浸廣吾家
獨亡其藁公之子長者年將四十乃不知父
嘗有是書蓋自其者事惟見公正文講授故
也公見善未嘗不喜而稱道不泐其實見惡
未嘗不惡而指摘不加其罪兩益之辭無所
和一切之論無所取疑之似跡不輕實流傳之
事不輕據故人之所稱有所未許人之所擯
有所不絕衆心所求發言盈庭公每低回以
致裁抑憂世之士或病公首鼠不足以植風

聲示懲勸而公隱然持之自若近年以文祭
舊生徒劉堯夫頌其平日之美責其晚節之
過謂改之冥冥尤足為貴其辭深切著明讀
者無不感動理之所存何間幽顯當疑而決
當決而疑均為不明也孰謂公首鼠哉公嘗
名所居齋曰庸學者因號庸齋先生然公未
嘗言其義學者亦未嘗有所請公著述頗多
皆未編次生於宣和乙巳十有二月十有四
日辛亥卒於紹熙辛亥十月十日乙酉享年

六十有七卒之前一夕起旋小跌自是倦之
然就枕即熟睡覺時醫者視脉家人進藥雖
飲之必曰吾亦起矣十日之朝侍疾者忽不
聞鼻息察公則已逝矣娶吳氏子四人損之
益之責之外之女二人長先公二年卒未及
許嫁次許嫁貴溪張氏孫男一人女三人卜
以紹熙壬子七月十有二日葬于鄉之長慶
寺側公以淳熙甲辰壽聖度恩授迪功郎
監潭州南嶽廟十六年己酉上登極覃恩

進修職郎某效官重湖疾不待藥歛不撫棺
葬不臨穴嗚呼痛哉敬次序公平生以表墓
某聞命之曰嘗請迎侍公曰子行矣吾往時
當自訪子計前數日從公于夢自是筇屨
必夢見公嗚呼痛哉東望
隕涕為之銘曰如珠潛光可以照夜公之明也
如玉儲潤可以賁山公之德也表公之墳與
斯銘其長存

象山先生全集卷之二十八

象山先生全集卷之二十九

程文

庸言之信庸行之謹則邪存其誠善世
而不伐德博而化解試

知所以成己而無非僻之侵則誠之在己者
不期而自存知所以成物而無驕盈之累則
德之及物者不期而自化乾之九二何其誠
之至而德之博也庸言之必信庸行之必謹
是知所以成己矣知所以成己則誠豈有外

乎此哉。又懼夫邪之為吾害而用之也。嚴使
無一毫非僻之習以侵之。則誠日益至。而在
己者不期存而自存矣。反而誠其身。推以善
斯世。是知所以成物矣。知所以成物。則德豈
有外乎此哉。又懼夫伐之為吾病而去之也。
盡使無一毫驕盈之氣。以累之。則德日益博
而及物者不期化而自化矣。誠之在己者不
期存而自存。而其端特在於用邪。德之及物
者不期化而自化。而其機特在於不伐。則天

理人欲之相為消長。其間可謂不容髮矣。庸
言之信庸行之謹。閑邪存其誠。善世而不伐。
德博而化。此所以為君德歟。中庸之言誠曰。
非自成己而已也。所以成物也。然則成己成
物一出於誠。彼其所以成己者。乃其所以成
物者也。非於成己之外。復有所謂成物也。又
曰。性之德也。合內外之道也。然則曰誠曰德。
一本乎性。彼其所謂誠者。乃其所以為德者
也。非於誠之外。復有所謂德也。明乎中庸之

說則乾九二之君德可得而議矣言行之信
謹二之所以成己者也善世而不成二之所
以成物者也彼其所謂信謹者乃其所以不
成者也舍言行而求其所以善世者則乖矣
閑邪存其誠誠之存諸己者也德博而化德
之及乎物者也彼其所以閑而存者乃其所
以博而化者也外乎誠之存而求其所謂德
之博則惑矣若夫朝謀夕訪求所以治乎人
而不知反求諸其身安知夫大人正己而物

正而二之善世者特在乎言行之間而已也
小惠小信欲以為己之德而不知誠之不可
掩安知夫明明德於天下者蓋本於正心誠
意而二之德博者由乎其誠之存也至矣哉
誠之在天下也一言之細一行之微固常人
之所忽然言出乎身加乎民行發乎迹見乎
遠言行君子之所以動天地也君子端言蠕
動皆足法造次顛沛必於是庸言之信而莫
不可以為天下則庸行之謹而莫不可以為

天下法知至乎吾之誠而不知夫言行之細也。然邪之與正猶明魄之相為生死陰陽之相為消長非僻之習一毫乎侵之則言隨以不信而行隨以不謹矣。尚何有於誠之至哉。為寇以莊其首為履以重其足在車聞和鸞之音行步聞珮玉之聲盤盂有銘几杖有戒所以防閑其邪而使非僻無自而至者備矣。則凡見乎吾身而充乎天地者何往而非誠哉。茲不曰不期而自存者乎。大矣哉。德之見

於天下也。推吾所有兼善天下此固人之所甚欲然有諸已而後求諸人無諸已而後非諸人所藏乎身不怨而能喻諸人者未之有也。故君子正身以正四方修己以安百姓且日麗必照物雲濃必雨苗和順積中英華發外極吾之善斯足以善天下矣。然伐之害德猶木之有蠹苗之有螟驕盈之氣一毫焉間之則善隨以喪而害旋至矣。尚何有於德之博故有焉而若無實焉而若虛功贊化育而不

居智協天地而若愚消彼人欲而天焉與徒
讓冲不伐而使驕盈之氣無自而作則凡不
言而信不怒而威者乃所以為德也茲不日
不期而自化者乎嗚乎由乎言行之細而至
於萬世由乎已之誠存而至於民之化德則
經綸天下之大經者信乎其在於至誠而知
夫誠者信乎非聰明睿知達天德者有不能
也。以經考之乾之六爻隱而未見行而未成
者初之潛也。貴而無位高而無民者上之亢

也。三則以危而進德。四則以疑而自試。惟五
以飛龍在天而二以見龍在田皆有利見大
人之美。夫君位既已在五則夫君德者非二
之龍德而正中其孰足以當之。聖人於是發
成已成物之道存誠博德之要。使後之人君
能明聖人之言以全九二之德。則天下有不
足為矣。切嘗稽之其辭好向而好察。迹言隱
惡而揚善。則庸言之信。庸行之謹。為如何。納
伯益儆戒之辭。則固有忌諱。詳伯禹股肱之

命則使之弼違。凶邪存誠可見於此矣。巍巍
乎有天下而不與。則善世不伐。為如何考其
民之心。則天下同戴。稽其民之俗。則比屋可
封。德博而化。可見於此矣。九二之德。大舜其
盡之矣。說易者。以為九二之女。蓋舜之田漁
時也。今槩以為帝之事。可乎。曰。以位而言。則
田漁時也。以德而言。則夫子匹夫也。或曰。祖
述堯舜。或曰。賢於堯舜。孰謂乾之九二而不
足以言舜乎。不然。則何以謂之君德。

黃裳元吉黃離元吉

用中者。雖異其時。獲吉者。皆極其大中之為
德。何其無適而不可也。黃中色也。坤中在五
而有黃裳之義。裳下裳也。黃裳者。守中而居
下也。在上者。患不能居下。能守中而居下。安
得而不元吉哉。離中在二。而有黃離之義。離
麗也。黃離者。所麗得中正也。附麗者。患不得
中正。如所麗之中正。安往而不大吉哉。位有
二五之殊。辭有裳離之異。其居下附麗。雖因

時而不同而其為大吉則一而已。非中之為
德壽克爾哉。坤之六五曰黃裳元吉。離之六
二曰黃離元吉。嘗謂中之為道大矣。世嘗玩
於其說而莫之省也。夫以堯舜禹三聖人相
授受而同出一辭。則道宜莫大於此矣。而
不過曰允執厥中。故子思之書反覆乎大中
之說。丁寧乎時中之論。而世之喜事者不明
乎中之說。欲為驚人可喜之行。是非獨得罪
於聖人。而之所以速戾取禍者。蓋亦不疑踵

矣。嘗試告之以大吉。之可願。則莫不願。至告
之以大中。之道。則又玩而不知者。嗚呼。吾知
所願者。乃出於其所玩者歟。然子思之言中
不獨有大中之說。而又有時中之論。蓋中而
非其時。則烏在其為中也。時乎坤之六五。則
疑乎陰之在上。疑乎其上。則居下之為中矣。
守中而居下。則以貴而下。賤以尊而下。卑以
能而下。於不能。以多而下。於寡。夫守中而居
下如此。則天道之所益。地道之所流。人道之

所好鬼道之所福其吉豈不亦大矣乎黃裳
元吉坤之六五所以為中也時乎離之六二
則以陰而麗於兩陽之間麗於兩陽之間則
麗之中正者也麗之中正之道所附者中正
之人以下而附乎上則在上者中正也以上
而附乎下則在下者中正也夫所麗之中正
如此則上交不誦下交不瀆建諸天地而不
悖實諸鬼神而無疑其吉豈不亦大矣哉黃
離元吉離之六二所以為中也坤離之五二

其居下附麗之義雖殊而其獲吉則咸底乎
大信乎無適而不亘也竊嘗求之有周之臣
周公以叔父之親師保之任而握髮吐哺下
於白屋之夫終以周致太平魯疆以啓黃裳
元吉周公以之太公抱鷹揚之策垂釣乎磻
溪之涯年且八十矣一旦聞文王作興曰盍
歸乎來終以大告武成齊國以建黃離元吉
太公以之雖然古之聖賢未有不中者夫子
之聖而卒於旅人顏子之賢而終於陋巷則

所謂元吉者果安在哉曰孔顏萬世稱聖賢
吉孰大焉若乃險賊而崇軒列鼎吾見其益
疾而已未見其吉也

使民宜之

民不可使知吾道之義而可使享吾道之宜
使道而不宜於天下則聖人亦烏取乎道哉
聖人出而有為於天下變而通之神而化之
而天下之民鼓舞踴躍莫不以為宜而安之
者亦盡其道而已矣大傳曰使民宜之以此

夫子曰民可使由之不可使知之非聖人固
不可使之知也若道之義則彼民之愚蓋有所
不能知也若乃其適之宜則聖人固與天下
之民共由而共享之方民未知佃漁也聖人
作為網罟而民宜於網罟矣方民未知耕稼
也聖人作為耒耜而民宜於耒耜矣以至舟
楫弧矢杵臼莫不皆宜於民雖其以象以義
取諸離益之諸卦而其所以使民宜之者蓋
無以異於黃帝堯舜之乾坤也當黃帝堯舜

氏之作其備物制用三成器以為天下利者
前聖已備之矣故其使民由之者獨見於垂
裳之治黃帝之事於六藝無所及信而堯舜
之事則載之典謨彰可攷如明五刑典三彰
禮疏江河驅虎豹凡建法立制都俞咨詢以
且其民者蓋不為少矣而夫子持稱其蕩蕩
無名無為而治則其所以直之者一出於道
而已故曰堯以是傳之舜

聖人以此洗心退藏於密吉凶與民同

患神以知來知以藏往省試

滌人之妄則復乎天者自爾微盡已之心則
交乎物者無或累著卦之德六爻之義聖人
所以復乎天交乎物者何其至耶以此洗心
則人為之妄滌之而無餘人妄既滌天理自
全退藏於密微之地復乎天而已由是而吉
凶之患與民同之而已之心無不盡心既盡
則事物之交來以神知往以知藏復何累之
有哉妄滌而復乎天者自爾微心盡而交乎

物者無或累則夫著卦六爻之用又豈可以
形迹滯而神知之說又豈可以荒唐窺也哉
聖人以此洗心退藏於密吉凶與民同患神
以知來知以藏往其意如此中庸言君子之
道費而隱夫婦之愚可以與知焉及其至也
雖聖人有所不知焉夫婦之亦肖可以能行
焉及其至也雖聖人有所不能焉夫聖人有
所不知不能則可謂隱密精微之地矣而不
外乎夫婦之所可知所可能蓋道之費者未

後

之吾尚安得而與於其間哉以此先心信守
其復於天乎雖六七八九之錯綜無窮乾坤
六子之摩盪不息而五十五之數所謂不用之
者實於是乎見之則聖人退藏之地豈所謂
過而溺焉者哉得失之象形悔吝之情著則
爻之所以為吉凶者吾之所以與民同患者
也至誠如神受命如響事物之來神以知之
無以異於著之圓也物各付物所過者化事
物之往知以藏之無以異於卦之方也夫聖

人之同乎民交乎物者亦異於不及而膠焉者矣由是觀之著卦六爻之用其諸執其兩端用其中於民也歟嘗考於咸之卦而得聖人洗心之妙於咸之象發天地萬物之情於咸之象發以虛受人之義此固可以滌人妄而復天理觀乎同民交物之道也至於九四一爻聖人以其當心之位其言感通為尤至曰正吉悔亡而象以与未感害也蓋未為私感所害則心之本然無適而不正無感而

前

嘗不隱而隱者未嘗不費內外合體用備非人之所可毫末加而斯須去也聖人洗心於著卦六爻之間退藏於隱密精微之地而同乎民交乎物者雖吉凶往來之紛紛而吾之心未嘗不退藏於密此堯之所以無名舜之所以無為文王之所以不識不知而易之書所以不可以象數泥而浮虛說也狎海上之鷗游吕梁之水可以謂之無心不可以謂之道心以是而洗心退藏吾見其過焉而溺矣

濟溱洧之車移河東之粟可以謂之仁術不
可以謂之仁道以是而同乎民交乎物吾見
其後焉而膠矣聖人懼夫道之不明也舉而
揭之著卦六爻之間反覆而發明之使知夫
在滌而復乎人者自微心盡而交乎物者無
累夫其所以曉天下者亦云至矣大衍之數
五十其用四十有九則由衍以生著四營而
成易十有八變而成卦則由著以立卦著生
卦之剛柔相推吉凶以告爻在其中矣人為

亦通曰憧憧往來明從爾思而象以爲未光
大也蓋憧憧往來之私心其所感必狹從其
思者獨其私明而已聖人之洗心其諸以滌
去憧憧往來之私而全其本然之正也歟此
所以退藏於密而能同乎民交乎物而不墮
於溺焉膠焉之一偏者也或曰聖人生知安
行彼其心之酬酢萬變者蓋不思而得不勉
而中而何以洗爲蓋不知堯舜不能忘危微
之戒而當時大臣有淫逸遊樂之辭有慢遊

傲虐之辭。君亦不以為輕已。且樂聞而願聽之。嗚呼！此其所以為生知安行。不思不勉者。歟。於洗心乎何疑。

天地設位。聖人或能。人謀鬼謀。百姓與能。天地有待乎聖人。而天地為不可及。聖人有待乎天下。而聖人亦為不可及。夫哉！天地聖人。之不可及乎。位乎上而能覆物者。天也。位乎下而能載物者。地也。天地能覆載萬物。而成其能者。則有待乎聖人。天地未嘗專之也。

而覆載之功。卒歸之天地。此天地之所以為不可及也。聖人參天地而立成。天地之能其智能。非天下之敵也。然人焉謀之。鄉士鬼焉謀之。蒼龜雖百姓之愚。且賤。亦不謂其不能而與之焉。則聖人之有待於天下者。亦云衆矣。然成能之功。卒歸之聖人。此聖人之所以為不可及也。然則特一己之智能。而謂人莫已若者。豈可與論天地聖人之事哉。天地設位。聖人成能。人謀鬼謀。百姓與能。以此嘗觀。

箕子爲武王陳洪範其七稽疑曰汝則有大
疑謀及乃心謀及婦士謀及庶人謀及卜筮
蓋與易言聖人所以成天地之能者異經同
旨天錫之洪範出於溫洛之水則天地之心
於此甚白而道之大原吾於此而見之矣大
故天地聖人之所以爲不可及者乎天之高
也日月星辰繫焉陰陽奧暑暉運焉萬物覆焉
地之厚也載華嶽而不重振河海而不洩萬
物載焉天地之間何物而非天地之爲者然

而覆載萬物之能猶有待於聖人聖人之政
有以當天地之心則諸福百祥以喜慶之有
以失天地之心則妖孽災異以警懼之彼其
望於聖人以成其能者何其至耶無它無私
焉而極天下之大也聖人膺裁成輔相之任
乘參贊變理之權道矣而可與天地殊心矣
而可與天地異朝焉卿士善責汝進遠責汝
彌余愆是繩余繆是糾廟焉著龜楮枯鑽朽
余不敢不敬有行有余不敢不問人謀鬼謀

猶以為未也。懼夫百姓之能吾，不與謀焉。工
誦箴諫，士傳民語，庶人謗於道，高族議於市。
雖芻蕘之賤，未嘗不詢焉。則聖人所以有待
於天下者，亦何其至耶！無它，無私焉而與天
地同其大也。天地有待於聖人，而覆載之功
歸焉。聖人有待於天下，而成天地之能者，歸
焉。嗚呼！此天地聖人之所以為不可及也。夫
子頌堯曰：惟天為大，唯堯則之。而其所以為
大者，民無能名焉。孟子頌堯曰：大舜有大焉。

而其所以為大者，亦不過舍己從人，樂取諸
人，以為善廟堂之上，都焉而吁，弗焉而俞，昆
命之龜，協從之筮，罔有不敬。闢四門，明四目，
而芻蕘之賤，咸得上達。吾於此見其所以成
天地之能者，歟。嗚呼！匹夫匹婦，不獲自盡，民
主罔與成厥功。君天下者，可不勉所以與天
地相似者乎。

首出庶物萬國咸寧

聖人有兼覆之道，天下無難辨之功。庶物之

多萬國之衆聖人欲首出而使之咸寧可謂
難辨之功矣然聖人體無覆之乾以是首出
庶物則萬國咸寧不足多也首出庶物萬國
咸寧聖人所以得乾元之用固大矣非天下
之所可得而易言也大而言之何物而不備
何所而不該然品物之形既流洪纖高下毫
釐之間而各有所宜六位之成則潛見飛躍
其道各異欲體是道以首庶物而寧萬國非
夫學之超乎天下之上吾未見其能也方其

清也隱而未見行而未成則學固不可以已
也及見而在田則庸言之信庸行之謹閑邪
存誠是學果可以已乎三之厲四之疑固進
德傷業不可懈也至於五之與天地合德上
而知進退存亡而不失其正非學果何以致
之首出庶物蓋在於乘六龍而聖人於乾之
六位莫不反復乎學使其學能超乎天下之
上則天下有不足為而萬國咸寧信乎其不
足多也用九之辭曰天德不可為首而乃以

首出庶物何耶嗚呼不為首蓋所以首出庶
物而愚所以謂不可以無學者也

象山先生全集卷之二十九

